

Òhipa, Actes 1/1-11

Punafara : Mahana Revaraa,

Jeudi de l'Ascension 18/05/2023

Òrometua, Pasteur Tihiri Lucas

Te Revaraa o te Metia :

Te Hinaaro i tāpaòhia e te Èvaneria!

*L'Ascension du Christ :*

*Le Désir marqué par l'Évangile !*

6 E putuputu aè ra rātou, ua ui mai ra rātou ia na, nā ô mai ra: E te Fatu, ei teie nei ānei òe e faahoì mai ai i te hau ia Ìteraèra? 7 Ua parau atu ra rā o ia ia rātou: Aore ia i haapaòhia e ia ìte òutou i te taime e te ànotau, i vaiihohia e te Metua ia na iho ra. 8 E noaa rā to òutou mana i te Vārua Maitaì ia haere mai i nià iho ia òutou, e ei ìte hoì òutou no ù i Ierutarema nei e Iutea atoà hoì e àti noa aè, e Tāmāria, e tae noa atu i te hopeà o te fenua ra. (Òhipa 1/6-8)

*6 Ceux qui s'étaient réunis lui demandaient: Seigneur, est-ce en ce temps-ci que tu vas rétablir le Royaume pour Israël? 7 Il leur répondit: Il ne vous appartient pas de connaître les temps ou les moments que le Père a fixés de sa propre autorité. 8 Mais vous recevrez de la puissance quand l'Esprit saint viendra sur vous, et vous serez mes témoins à Jérusalem, dans toute la Judée et en Samarie, et jusqu'aux extrémités de la terre. (Actes 1/6-8)*

Nā hea i te taiò i te mau parau a te Faufaa Âpī no te Revaraa o te Metia i Faatataurohia e i Tiàfaahou mai i roto i te naùanei o to tātou faaroo, te tahi « naùanei » no te 21raa o te Tenetere ?

*Comment lire les textes du Nouveau Testament concernant l'Ascension du Christ Crucifié et Ressuscité dans l'aujourd'hui de notre foi, un « aujourd'hui » du 21ème Siècle ?*

Ruta Èvaneria, o te hoê ia taata pāpai e faaòhipa rahi nei i te tiàtonuraa rarahi e aore ia

nainai, e tae noa atu i te mau û e au no te reira !

*Luc est un auteur qui travaille énormément avec des zooms en grands et petits plans, et donc aussi avec toutes les couleurs qui conviennent !*

Ei maa faaauraa iti o tei tià rā ia faaravaïhia atu :

—E au o Māreto i te tahi fatu hohoà teata o tei faaòhipa i te Èreère e te Ùoùo ! Na te taata taiò ia i te tuuraa i ta na iho mau û no te parauraa i to na faaroo !

—E au o Ruta Èvaneria i te tahi fatu hohoà teata o tei rohi hua i te mau mau rauraa no te paòraa o te tatau roro-uira. Tei te taata taiò ia i àporaa i te vāhi ei reira to na faaroo e tūàti atu ai !

*À titre de comparaison à compléter :*

*—Marc est comparable à un scénariste qui travaille avec le Noir et le Blanc ! Il revient au lectorat d’y mettre ses propres couleurs pour exprimer sa foi !*

*—Luc est comparable à un scénariste qui œuvre avec toutes les possibilités du pixel informatique ! Il appartient au lectorat de s’y accrocher là où sa foi est attirée !*

Aita ta Māreto e parau no te Revaraa, ua vaiiho o ia e na te taata taiò e pāpai mā te Èreère e te Ùoòò, e tae noa atu mā te mau û ! O te reira tei faaòhipahia e te mau Metua no te mau Ètārētia Matamua o ta te Vārua Raa hoì i haamana no tātou !

—Ua hōroà mai o Ruta Èvaneria ta na pāpaiāraa no te Revaraa, e parau mai te tahi atu, o tei parau faahou mai ā ia tātou, o tei tiàoro faahou mai ā ia tātou, e o tei tuu faahou nei ā ia tātou nā te haereà o te Ètārētia e tautoo nei nā te Ao nei !

*—Marc n’a pas de récit d’Ascension, il laisse à son lectorat de l’écrire avec le Noir et le Blanc, voire avec des couleurs ! C’est ce que les Pères des Églises Primitives ont fait en y rajoutant un récit d’Ascension validé par l’Esprit Saint pour nous !*

*—Luc propose son récit d'Ascension à partir des témoignages de son époque, un récit comme les autres qui, aujourd'hui encore nous parle, nous interpelle, et nous remet en chemin en Église engagée dans le Monde !*

A taa noa atu ai te reira, tāpeà mai tātou i te tahi maa papaa-parau iti o ta tātou nei taiòraa, inaha, e mea maere mau ā i roto i te pāpaïraa a Ruta Èvaneria, aore to na e û !

*Ceci-dit, relevons un détail de notre texte, car, et c'est très étonnant dans l'écriture lucanienne, il n'a pas de couleur !*

Te faaïte nei te mau Pipi, mai te tahi hāû-perepere, i to rātou hinaaro hoê i te Metia e ineine nei i te vaiiho mai ia rātou : e hinaaroraa ia i te mana-hope ! Te ìteraa i te taima no te faahoïraa mai te Hau o Ìteraèra, o te ìteraa i te taima no te tupu-hope-roa-raa mai te faaâpïraa a te Pātireia !

*Les Disciples expriment, comme un balbutiement, leur désir commun au Christ qui*

*est sur le point de les laisser : c'est un désir de toute-puissance ! Connaître le temps du rétablissement du Royaume d'Israël, c'est connaître le temps précis de la réalisation finale de la nouveauté du Royaume !*

Te pāhono nei te Metia ia rātou mā te tāpaò i te ère i roto i to rātou hinaaro!

*Le Christ leur répond en inscrivant le manque dans leur désir !*

Aita to te Hinaaro e reo no te parau roa mai ia na ! Âreà i te Ère ra, te vai nei ia te mau reo taata atoà nā te ao nei no te faaite mai ia na !

*Le Désir n'a pas de langage pour se dire en tant que tel. Le Manque, bien au contraire, dispose de toutes les langues articulables de ce monde pour se manifester !*

Aita e û to te Hinaaro, a taa noa atu ai vētahi mau tāfetafeta e poraò nei nā terā e nā terā vāhi no te parauraa !

*Le Désir n'a pas de couleur, même s'il laisse parfois quelques tâches ici et là dans le langage !*

E Faaora e e Fatu o Ietu Metia ! Te tatau nei o ia i te rēni no Ère i te Ā Naeà Òre e pātifāhia nei e te Hinaaro o te mau Pipi !

*Jésus-Christ est Sauveur et Seigneur ! Il trace le contour du Manque de l'Objet Impossible visé par le Désir des Disciples !*

E inaha, te tiaāraa i te Parau Fafau no te Ō-faatau-aroha no te Pāpetitoraa Autahuà o te mau Pipi-Àpotetoro tonohia no te pororaa èvaneria nā te ao nei, e te reira te ômuaraa no te tuatua o te hinaaro o tei tāpaōhia i roto i te mōtiā o te taataraa o te mau Īte matamua o te Metia i Faatataurohia e i Tiāfaahou mai !

*Dès lors, l'attente de la Promesse du Don de l'Esprit Saint pour le Baptême Sacerdotal des Disciples-Apôtres envoyés pour évangéliser le monde devient le commencement de l'histoire du Désir inscrit dans la finitude de l'humanité*

*des premiers Témoins oculaires du Christ Crucifié et Ressuscité !*

I naùanei, te hoê o te mau uiraa faufaa roa aè no to tatou faaroo, o te parau ia no to tatou nei Hinaaro!

*Aujourd'hui, l'une des questions les plus fondamentales de notre foi se situe au niveau de notre Désir !*

Te ôtahiraa o te Hinaaro, eita o na e noaa ia tātou, e e tītau o na i te tahi māpeeraa taaê ia tāpaòhia o na i roto i te Parau a te Metua mā te Metia, e i roto i te mōtià o te taataraa, oia hoì i roto i te tāpapa-tāmau-raa i to tātou Faaora e to tātou Fatu ia Ietu Metia ! E tae noa atu, no te feiā eere i te marumetia, i roto i faaòhipa-tāmau-raa i te mau mea e tià ia vaivai mai te taata no te ora âmui, e no te fārii i te Èvaneria mā te tiaìturu o te Pātireia !

*La particularité du Désir, c'est qu'il nous échappe en tant que tel, et nécessite un accompagnement spécifique en vue de son*

*inscription dans la Parole du Père en Christ et dans la finitude humaine, et donc dans le rebondissement quotidien vers notre Sauveur et Seigneur Jésus-Christ ! Voire, pour le non-chrétien, dans le rebondissement journalier vers les possibles qui permettent aux humains de vivre ensemble, et d'être disponibles pour accueillir l'Évangile dans l'espérance du Royaume qui vient vers nous !*

I te Fatu ā tātou mā ta na Parauamaitā !

*Que le Seigneur nous accompagne dans sa Bénédiction !*